

摘藻堂四庫全書薈要

史部

欽定四庫全書叢要

史部

硃批諭旨卷

六十九至
七十二

詳校官編修臣繆晉

欽定四庫全書薈要卷七千九百六十三

史部

硃批諭旨卷六十九

硃批楊爾德奏摺

雍正五年正月二十五日提督廣東學政臣楊爾德謹

奏恭請

皇上聖躬萬安臣仰荷

天恩屢蒙拔擢茲復恭膺

簡命視學廣東夙夜冰兢自顧何人得邀此
寵渥惟有矢心公慎時刻凜遵

聖訓實心辦事圖報

高深於萬一臣自去年十月十八日自京起程於今歲
正月初三日抵任隨恭設香案望

闕叩頭謝

恩開印後謹奉前後所頒

聖訓諭旨行文各屬教官宣揚

聖德淳詳訓飭廣東士子沐浴

聖教務使士習漸淳士風漸厚間有一二不率者臣恪
遵

功令輕則戒飭重即褫革不敢私毫假借其餘學政
應行事宜現在次第舉行臣於到任後親至撫臣

楊文乾署中遵

旨謹傳

聖諭外理合繕摺附撫臣

奏摺中轉達

天聽謹

奏

惠士奇前在粵東聲稱藉甚及見其人庸平之至想係隨波逐流與時俯仰到處逢迎竊名邀譽之所致耳此等欺世盜名之行為斷不可效法况爾乃朕特用之人非惠士奇可比尤當於真實處著力以期無負知遇夫士為四民之首學臣為董士之官整飭風俗正爾專責

若不加意懲獎力行化導一味模稜因循唯唯否否甚
或袒護頑劣紳其干求則惟言是聽阿奉權要廷臣
於請託則惟命是從諂媚督撫瞻顧提鎮以為和協安
靜文武相安則大悞矣如此巧佞黨比自必譽言四布
但恐朕別有鑒察不能掩蔽豈特負恩之罪難追抑且
身為名教中敗類亦甚屬可恥惟宜一秉公正謝絕同
年故舊門生老師之私誼斬斷一切葛藤纏繞而後能
為所欲為也士習官常自宋元以來其流弊不可問矣

朕欲竭力挽此千百年之頽風爾等若不竭力匡勦贊助以仰副朕心可乎勉之特諭

雍正五年六月十七日提督廣東學政臣楊爾德
謹

奏為恭謝

天恩事臣於四月初二日在肇慶考場接到撫臣楊文
乾遣人齎送

皇上硃批臣奏摺一件臣跪捧伏讀仰見我

皇上天心仁愛提誨諄諄字字本於至誠言言切於謨
訓雖父母之愛子何以加茲即木石之無知亦當
感動況臣仰荷

聖恩特用什百等倫既栽培擢於平時復訓誡叮嚀
於臨事昭其鑒戒勗以公忠千古遭逢豈易得此

臣
自顧何人叨

恩若是感深以泣喜懼交縈當即望

闕九叩謝

恩惟有凜遵

聖訓實心辦事。獎善懲惡。謝絕親朋。不惟不敢徇情。亦
從來任勞任怨。難言之。易行之。尤難勉之。
不敢避怨。竭力奉公。以期仰報我

皇上高厚生成之至德耳。為此繕摺恭

謝。不勝激切感悚之至。謹

奏

觀汝奏詞。意甚誠切。朕甚嘉之。

同日又

奏為據實條陳事臣蒙

皇上特恩以科員擢任廣東學政自念衡文課士未足圖報萬一仰體我

皇上子惠元元至意於學政之外有關吏治民生者輒

秉公

據實盡已

所見備悉奏聞

留心訪問臣莅任以來訪知南粵山澤多而可耕

談地

情形朕深知之

之地少每年兩種兩收全憑雨澤均調倘遇旱潦難以人功補救又其地為各省及外洋往來貿易

之處商賈之多甲天下所產之米有限不敷所食

所以米價不時昂貴民間常有乏食之虞也伏念
我

皇上軫念民依深思遠慮廣東既有積穀一百六十餘
萬石尚恐不足又

命廣西運穀三十萬石以備用又有運穀捐監之例所
以捍患備災者已極周詳矣若使此各項積穀實
貯在倉而所在官司因時糴賑何憂米缺價貴竊
揣其中必有倉穀虧空之弊不然則有司奉行未

善以致上無以仰答

天心下無以急拯民困臣愚以為當及時一面嚴查倉儲一面酌定永遠無弊之法以收實效管窺所及約有四條敬為我

皇上陳之

一宜徹底盤查以清積弊也州縣有司賢愚不等

乃係

所有積貯倉穀或侵或那或蓋藏不謹致多浥爛必有之情弊何云未定交盤之際以無作有一時承任均未可定宜及時

朕所以特命楊文乾往查閩省者正欲清釐兩省之意
令大吏親歷徹底清查或調各州縣彼此盤結申
任後定有一番料理設或仍不能料理朕另有措
詳務必核定有無多少實數庶使已往之責難逃
道不但粵東一省直省皆然必徐徐各令次第就
置之將來之人知儆平時不視為虛文臨事得徵其實
理效矣

專委
州縣
貳雜

一宜專責任以嚴考成也郡邑正印官事繁責重
佐雜之說曾經再三與廷臣斟酌殊難舉行何則
於此項積貯或有不能兼顧之患郡丞簿之中
事務縱極繁重未有不令其兼顧積儲之理若佐
宣無誠實可用之人請令督撫察訪或令知府保
職中遇有清正急公者即州縣材矣亟應拔為
舉每州每縣專委一員以司其事或一年一更或

令宜
聽信

宜仍留散地斯乃州縣有司推諉卸責之論不可
兩年一更交盤務必清楚州縣正印官仍不時稽

查以定黜陟庶出入不致於侵那矣

一宜審其地方以均積貯也廣東疆域遼濶有一

府所屬之州縣而相距數百里或千里者又各州

縣地方之廣狹不同編戶之衆寡不一請

目今

督撫等亦正在料理此事朕不為強迫設遇實心
勅諭督撫分別州縣大小以定所積之額數則既無有

任事

之臣自皆籌慮及此若係庸平督撫於此一番更

張中

反生無限權巧作為

并無道遠難運稽遲不達之虞矣

一宜核其損耗以杜妄報也東南之地不比西北

高燥百物皆易霉傷蟲損積穀亦然既易黴爛必

專員

何嘗不善焉得如許人材而妄用之

須不時掬曬既掬曬則未免損耗此所以宜專員

以司其事勤加省視或掬或曬又宜量其損耗准

與銷算則司其事者既無推諉之處亦不得以霉

爛妄報矣臣本迂愚又非其職而感荷

天恩末由報效見聞所及不敢不直陳

聖聽如果臣言可採伏乞

皇上勅部議覆施行謹

奏

見聞所及只管敷陳倘於事體有不協處聽朕訓示亦可增長識見開拓胸襟若於獻替之中稍有補益於朕則厥功大矣毋因朕之採納與否而或言或不言也

同日又

奏為仰懇

皇仁事臣查廣東通省與考生童地方有南澳鎮者孤

懸海中界於廣福二省之間中分隆深雲青四澳
田畝錢糧雲青二澳屬福建漳州輸課隆深二澳
屬廣東潮州輸課地雖濱海其民風頗好讀書故
明時漳潮二府各有取進澳生名例

本朝未經復設歷來考試俱於漳潮二府額內取進澳
童文武各一名撥入府學並非成例且澳童多進
一名則本地少進一名以此人情亦未允協恭遇
聖教覃敷人文日盛而澳童投閩考試則閩以粵人拒

之投粵考試則粵以閩人拒之往往有數十百人
航海至府不得一入考場含淚而歸者臣思際此
皇仁廣被光天化日之下絕域異鄉物皆得所而此澳
中人民頗知讀書向上似宜開以上進之路請於
漳潮二府進額之外四澳之中每澳進文武生各
一名撥入府學如衛所商籍等例應否繕疏具
題伏乞

聖恩垂訓為此謹

奏

所請雖屬有理但南澳非內地可比其中有無利害關係朕不深悉未便批諭可否候楊文乾回任後爾會同孔毓珣楊文乾詳議具奏毋得偏執已見

硃批諭旨卷六十九

欽定四庫全書薈要卷七千九百六十四

史部

硃批諭旨卷七十

硃批赫碩色奏摺

雍正六年二月十五日巡視臺灣吏科給事中

臣

赫碩色兼理學政監察御史

臣夏之芳謹

奏為恭報微

臣受事日期仰祈

睿鑒事竊

臣

等一介庸愚荷蒙

皇恩欽命巡視臺灣於雍正五年十一月初二日恭請

聖訓初四日自京起程臣夏之芳復遵

旨領齋部鑄學政關防均於雍正六年二月十二日到

臺循例於駐劄公所恭設香案望

闕叩頭謝

恩受事訖伏念臺灣遠隔海洋地方緊要臣等入境受

事自當親歷巡查小心體察其應行事宜容臣等

次第料理外所有受事日期理合繕摺

奏明伏乞

皇上睿鑒謹

奏

覽奏知道了勉力和衷盡職莫效禪濟布等寡廉鮮恥
無知妄為虛負朕之委任也

雍正六年五月初六日巡視臺灣吏科給事中

臣

赫碩色兼理學政監察御史

臣夏之芳謹

奏為恭報臺灣雨水情形米穀價值仰慰

睿懷事竊查臺灣地廣人稠歷年風雨調和收成豐稔

地方相安無事臣等於到任後凡係天時風雨民間種植一切事務飭令地方官十日一報以資見聞茲據各該縣報到三春雨水調勻麥收約八分有餘目下插秧之時甘霖疊沛四野霑足農民歡呼正在及時耕種至各處米價每石一兩至一兩二三錢不等民食充足地方安靜理合

奏報上慰

睿懷謹

奏

據奏臺郡麥已收穫雨水及時米價平減朕懷曷勝慰
悅

同日又

奏為敬陳臺地事宜仰祈

睿鑒事竊_臣等奉

命巡視臺灣欽遵

訓旨於到福建省城之日向督_臣高其倬請出

欽交條奏臺灣諸摺敬謹詳看隨於到任之後悉心體
察逐一採訪查得臺灣負山面海地方遼遠形勢
險要實屬閩廣江浙諸省之屏障其間番民雜處
而外來之民尤紛雜難齊姦良不一最易生事巡
防兵丁亦不盡守法文武官弁祇循故例就事完
結不能杜絕弊端臣等以為法不嚴密積弊不能
盡除謹將愚見所及臚列四條敬為我

皇上陳之

一宜嚴定處分以重稽查也查內地渡海例給印

照從廈門出口至鹿耳門入口皆由同知查驗已

經例有處分近有一等棍徒不雇客船並不從廈

門鹿耳門出入賄約多人置買船隻出沿海小口

偷渡到臺各口汛亦有拏解者亦有賄縱反為指

引者及犯事逐水或有故回籍亦並不問其渡臺

來歷是根本不清終難查核

臣

等請嗣後給照來

臺者令海防同知並各地方官註明冊內其從前

來臺者亦於保甲牌內註明來臺年月遇有事故

此條

先查從前來歷如牌冊無名即係偷渡訊出情由
為理臺第一要著但若不實力奉行徒以空文取

悅朕

將該犯所經由各口汛官弁照失察例處分庶各
知顧忌自能實心查拏矣

一宜嚴定條例以懲姦匪也臺民刁健每多冒險
為非近來嚴禁偷渡賭博姦竊結盟等事而犯者
不少總因臺民犯事不過枷責逐水該犯狡獪性
成逐水未及數月又頂替夾帶過臺仍然為害再

犯再逐循環不已弊終不絕臣等請嗣後初犯法

者重責枷號將該犯面上刺字解回本籍收管面

上有字難以偷渡窩藏如再潛身來臺及生事干

嚴例懲姦甚是所慮者未必肯任怨一一執法也不過

法者一經發覺即議以徒流之罪另籍安插庶各

聲言事關奉旨反借此以為市恩行惠之地耳

犯知警亦驅匪安良之一法也

一宜互相查察以肅軍紀也臺地兵丁皆三年更

換而內地各營撥遣換班之兵不盡過臺每有半

途賄買頂替者凡熟習臺灣積慣生事之兵前期

換回轉眼復來到臺查點不無容隱臣等請嗣後

凡換班兵丁到臺皆令臺灣道會同該總兵副將

對冊查點如有一名頂替先將押送武弁議處再

將兵丁重責刺字逐水並咨回本營革除本兵及

頂替兵名糧至在營兵丁生事擾民者亦著該地

此一

條更屬難行何也有礙於各營將弁孰肯破面而

方官審出真情咨本營革糧照平民一例刺字逐

為之耶

水庶兵丁知所畏懼各守法度矣

一宜添設官員以密防守也查臺灣一府內臺灣

鳳山諸羅三縣開墾已久人民湊集文武員弁駐
劄相近耳目易周惟彰化一縣地方空濶谷邃山
深姦民易匿其地文官止同知知縣典史各一員
知縣有刑名錢穀之責典史力微不能遠巡止靠
同知一員巡查七八百里崎嶇之地實難遍及

臣

與該

督撫商酌具題請旨等請於彰化縣之東南沿山一帶並彰化縣之西

北沿海一路

適中

地方添設巡檢各一員帶領民

壯專司巡緝總令同知管轄庶南北呼應靈通而

稽查亦易遍矣

以上四條芻蕘之見是否有當伏乞

皇上睿鑒施行謹

奏

前三條果能照所奏實力奉行朕不為臺郡顧慮矣但可保必不能而亦必不肯也所以不批嘉是二字

雍正六年八月十八日巡視臺灣吏科給事中

臣

赫碩色兼理學政監察御史

臣

夏之芳謹

奏為敬陳臺地雨水穀價仰慰

聖懷事竊查臺灣各屬地方自春入夏雨水調勻早禾
已經收穫惟七月望後雨澤稀少晚禾正在須雨
之時臣等率同該地方官設壇祈禱屢次得雨而
未能普遍及八月十三四日大沛甘霖四野霑足
據各該縣飛報前來全臺俱經得雨晚禾秀茂農
民稱慶秋成已在望矣至近來米穀價值據各該
縣稟報米價每石一兩五分至一兩二三錢不等

穀價每石四錢一二分至五錢不等民食充足地
方安靜理合繕摺奏

聞上慰

聖懷謹

奏

晚禾得雨朕懷深慰但一切奏聞惟以無欺隱不粉飾
為要

同日又

奏為敬陳臺地事宜仰祈

睿鑒事竊

臣

等奉

命巡視臺灣到任以來日夕冰兢凡遇關係地方事務
時加訪察今有愚見所及三條不揣冒昧敬為我
皇上陳之一清查姦匪宜責成業主也一操練兵丁宜
嚴查器械也一澎湖兵米宜就近存貯也以上三
條皆因臺地孤懸海外素屬巖疆必令有備無患
永為保固之計

臣

等受

恩深重日思報效敬將芻蕘之見直陳
君父之前如有可採伏乞

皇上飭下督撫詳議施行為此繕摺奏

聞謹

奏

覽所奏三條甚屬可嘉候另有諭旨

雍正六年十一月初四日巡視臺灣吏科給事中

臣赫碩色兼理學政監察御史臣夏之芳謹

奏為恭報臺地收成分數米穀價值仰慰

聖懷事竊查臺灣所屬地方自春及夏雨水調勻惟七月間雨水稍覺愆期至八月即連得大雨田禾霑潤各種稻穀以及麻豆芒蔗一切雜糧俱已成熟今值收穫之時據臺灣縣詳稱收成計有七分米價每石一兩三錢零穀價五錢零鳳山縣詳稱收成計有七分米價一兩二錢零穀價四錢零諸羅縣詳稱收成計有八分米價一兩二錢零穀價四

錢零彰化縣詳稱收成計有八分米價一兩零穀
價三錢零各等因到_臣等查田地有近山近水之
別故收成分數不等米穀有運費多寡之分故價
值亦復不一然就通臺合算俱屬豐稔米價亦平
所有臺灣全郡收成分數及米穀價值理合具摺
奏

聞仰慰

聖懷謹

奏

據奏通臺豐稔則米價即應大減今每石至一兩二三錢仍屬昂貴是何故耶

雍正六年十二月初六日巡視臺灣吏科給事中

臣赫碩色兼理學政監察御史臣夏之芳謹

奏為奏

聞事雍正六年十二月初一日據臺灣縣詳稱該縣東安坊糧長報稱本坊居民魏連妻陳氏於本年十

一月十四日一產四男經該縣取結詳報到臣衙
門又於本月初五日據該縣詳稱本縣東安坊士
民等報稱本坊居民楊紹芳壽登一百七歲例應
舉報隨經該縣確查取結亦詳報到臣衙門等
查臺灣久沐

國家養育深恩歷年海不揚波時和歲豐人民皆安
居樂業今添丁則一產四男養老則年逾百歲皆
由

聖朝久道化成太和洋溢之所致也臣等目覩太平嘉

瑞理合繕摺奏

聞伏乞

皇上睿鑒謹

奏

類斯例應題奏之事何必多此一番瀆陳耶

雍正七年正月十八日巡視臺灣吏科給事中臣

赫碩色兼理學政監察御史臣夏之芳謹

奏為恭謝

天恩事本年正月十五日准督臣高其倬咨文內開雍

正六年十二月十二日准都察院咨開奉

旨赫碩色夏之芳著再留臺灣巡視一年欽此移咨到

臣等隨恭設香案望

闕叩頭謝

恩訖伏思臣等奉

命出巡一年以來毫無報稱茲復蒙

天恩再留一年間

命之下益切悚惶惟有和衷料理實心辦事竭盡愚誠
保固海疆以仰酬

高厚於萬一為此繕摺恭謝

天恩伏乞

皇上睿鑒謹

奏

勉力盡職以期無負朕之委任

同日又

奏為奏

聞事本年正月初三日臣等訪得臺灣府屬之鳳山縣

地方有傀儡生番殺人一事隨即行文該府並該

營弁確查去後續據該府詳稱番民舊有一定界

限因雍正六年十二月二十八日鳳山縣長興莊

管事邱仁山等領本莊佃民越界侵入傀儡山開

水灌田致被傀儡生番潛伏殺傷邱仁山等一十

二人復追入竹葉莊殺傷佃民張子仁等二人當

經該縣勘明舊定番界並親行相驗據稱長興莊

開水之處並竹葉一莊實係界外番地莊民擅入

番界以致被殺等因到臣衙門臣等查番民地界

久立定限不許民人侵入番界已經屢行嚴禁茲

愚民貪開水利擅入番界被殺雖與生番出山擾

害不同但殺傷人命至一十四人之多亦漸不可

長除一面飭令該地方文武官弁設法緝捕兇番

並移知該督撫查叅失察職名外所有生番殺人緣由理合繕摺奏

聞謹

奏

此事係內地佃民有以自取其禍率因地方官平時不行實力嚴查之所致即爾等亦安能辭疎慢之咎業既生出事端飭令設法緝捕究有何益前於汝等出京時朕諄諄訓誨但當劃清界限使生熟番夷及內地百姓

各安生理兩不相侵始可免意外之虞爾等豈遺忘此
諭耶明者遠見於未萌智者防患於無形若似此逐案
推求隨時整飭皆屬事後之補救亦恐不勝其煩總之
汝輩庸流因循不振者多實心任事者少奈何

雍正七年三月十六日巡視臺灣吏科給事中

臣

赫碩色兼理學政監察御史

臣

夏之芳謹

奏為奏

聞事竊查鳳山縣長興莊民邱仁山等被生番潛出殺

傷一十四人已經臣等據實摺

奏正在移知該督撫並經鎮臣王郡道臣孫國璽酌

量勦捕間又據鳳山縣報稱本年二月初一日生

番又行潛出殺傷熟番七命等因前來隨經該鎮

道一面申報該督撫一面撥遣官兵並番丁民壯

於二月十六日前往山猪毛山里目等社搜捕兇

番去後今據領兵文武各員陸續報稱進山搜捕

數次殺死生番七人擒獲生番二十人即於三月

十四日將兵丁番壯撤回各等因具報到臣衙門
臣等除飭令該地方官將所擒生番是否殺人兇
犯分別審擬詳報該督撫定案外所有勦捕生番
緣由理合繕摺奏

聞再臣等查海疆重地知縣一官必得勤謹廉幹實心
辦事之員方能勝任今署鳳山縣知縣彭之雲到
任月餘不能嚴加防禦竟致生番屢出傷人及至
撥兵勦捕在該縣境內而該縣置若罔聞全不料

理反乘此時通詳告病借以謝過似此怠玩推諉殊為溺職若仍姑留海疆官員從此效尤何以整理地方除一面移知該督撫另委賢員署理外所有溺職知縣彭之曇理合一併附叅伏乞

皇上睿鑒施行謹

奏

所奏是此等劣員豈可姑容況臺郡險遠非內地可比官弁尤為切要但須平情處之毋得過苛

同日又

奏為敬陳臺地事宜仰祈

睿鑒事竊臣奉

命出巡一年以來悉心採訪凡關地方事務皆思斟酌
調劑隨時措置保護海疆茲有臺地尚須斟酌事
宜謹據愚見所及為我

皇上陳之

一番民界限宜定例嚴禁也查臺地番民共處止

可令其各安本分不可令其互相固結在熟番納
餉當差甚屬醇良獨生番性極蠢頑好以殺人為
事從前雖經畫界禁止民人出入而生番之害不
能盡絕_臣等細察情形聞向來內地姦民間有學
習番語娶其番婦認為親戚居住生番界內並將
鹽鐵火藥等物販賣與番及今不為嚴禁將來關
係不淺_臣等愚見請嗣後更定嚴例畫定生番界
址不許番民出入販賣物件一切火藥鹽鐵尤宜

查禁將生番社內通事一概革逐如有擅入生番
界內並販賣違禁物件者定例置以重典其地方
官弁縱容失察者亦定議加倍治罪如此庶生番
嚴禁內外交通為第一善策不致為害而地方可相安無事矣

一試用人員宜量發海疆也查臺灣遠隔重洋所
有道府縣以及佐貳等官遇有陞遷事故離任者
委員署理海上風信靡常一時不能驟到每致人
缺虛懸似此海疆重地恐有貽誤臣等已移知該

督撫必令署事與離任之員人文一齊並到以免
員缺久懸之患但臣等細思地屬巖疆非得歷練
之員難以勝任與其臨時委署不若預使練習可
否於本省揀發人員內令該督撫選其老成廉幹
者預發一二人令其先駐臺郡給以本職額俸平
常無事凡地方人情風土既可親切見聞或有要
緊公務聽道府委派協辦一遇有陞遷事故離任
之缺即著署理試看果能勝任該道府申詳督撫

酌量

題請實授其不稱職者令回內地或竟行揭叅該員
委署之後再詳明督撫揀發以便將來遴委如此
庶可免海上羈遲之弊而該員練習既久人地相
此條亦是與督撫商行可也
宜於地方公務或可無悞矣

以上二條

臣

等因海疆重大起見如果芻蕘可採

伏乞

皇上敕下督撫詳議施行謹

奏

覽

雍正七年閏七月二十九日巡視臺灣吏科給事

中

臣赫碩色兼理學政監察御史

臣

夏之芳謹

奏為奏

聞事竊照臺灣地方於本年七月二十六日海風大作

飄失船隻人口吹倒房屋經臣等飛飭詳查去後

茲據臺灣府彙報內稱各處倉廩完固禾苗茂盛

無損查得南北一帶海口擊破民船一百餘隻溺

死船戶水手二百餘名又府治木城吹倒一百三

十餘丈臺灣縣各坊里吹倒瓦房二百餘間溺死

二人餘者俱無傷損鳳山縣吹倒草瓦房七十五

間諸羅縣吹倒房屋三十八間人口無損擊碎民

船一十隻飄去塭丁六人已經將被風窮黎設法

賑濟加意撫恤其彰化一縣澎湖一島風小無損

各等因到臣又據臺灣鎮臣王郡咨開安平鎮水

師各營擊碎營船三隻大壞二隻微損一十五隻
溺失兵丁一十一名並礮位軍器等物又南北陸
路墩臺營房倒壞十有五六各造清冊細數到臣
衙門臣等正在具

奏間又於閏七月二十三日海風復起府城以南風
勢尚小據淡水同知報稱府城外海邊擊破民船
三隻溺死水手十二名北路海豐等港共損壞民
船一十七隻溺死十一人各處吹倒房屋數十間

正在確查又諸羅縣報稱該縣禾苗無損臨海地方吹倒房屋三十四間壓死人一名擊碎民船十一隻溺死水手三名又彰化縣報稱該縣禾苗倉廩並無傷損倒壞番房二十八座壓死番婦二口又城內外草房共吹倒八十餘間人口無損又澎湖通判報稱本月十三日風勢狂烈民間房屋吹塌甚多人幸俱無損商哨等船灣泊澳內者多被風擊壞並飄出各處正在查驗又澎湖水師副

將報稱營船多飄散打壞拖攔案山並營房兵丁
飄損之處正在確查等因各到臣臣等隨飭令各
該管衙門加謹料理安插並一面移知督撫外所
有兩次被風情形理合具摺奏

聞謹

奏

覽奏知道了臺郡被風情形已據署督史貽直備悉奏
聞矣

雍正七年十月十五日巡視臺灣吏科給事中 臣

赫碩色兼理學政監察御史 臣 夏之芳謹

奏為報明臺地收成分數米穀價值仰慰

聖懷事竊查臺郡收成分數據該府詳據臺灣縣報稱
該縣收成東北俱八分五釐縣南九分西臨大海
並無田畝鳳山縣報稱該縣收成縣東八分五釐
縣北八分縣西七分五釐南臨大海並無耕種諸
羅縣報稱該縣收成縣東八分五釐縣南九分縣

奏報西北九分彰化縣報稱該縣收成東南俱八分縣
西七分數而算至毫釐從未經人道過果皆分折
的確無差謬乎殊北六分就通臺合算共有八分五釐各
等因到臣與等訪察無異至米穀價值臺灣縣
心神昏亂耳將此諭與新任觀之
現今每米一石銀一兩一錢穀價四錢二三分鳳

山縣每米一石銀八錢二三分穀價四錢諸羅縣
每米一石銀八錢四分穀價四錢彰化縣每米一
石銀七錢八九分穀價二錢二三分通臺民食充
足地方安靜理合具摺奏

聞仰慰

聖懷謹

奏

覽

同日又

奏為報明看操日期仰祈

睿鑒事竊查臺灣地屬海疆水陸軍務關係甚重每年
舊例於秋冬間閱看水陸兩操茲據安平鎮副將

祁進忠移送該鎮三營兵弁船隻清冊到

臣臣

等

隨於九月初九日公同閱看水師兵丁操演又據

臺灣鎮

臣

王郡移送該鎮三營將弁兵丁清冊到

臣臣

等隨於九月十一日公同閱看陸路兵丁操

演水陸軍務尚屬整齊嫻熟其盔甲器械現今奉

旨另行修理更換已據提

臣

藍廷珍委員遍將各營清

查另造補換俟換齊之日

臣

等再細行查看至澎

湖水師二營前據該副將陳勇報稱閏七月大風

船隻多受損傷現經設法修理等因前來臣等正
在行查並委澎湖通判王仁協同該副將查閱確
報俟船隻修完冊報到日另期閱操合併聲明為
此具摺奏

聞謹

奏

日前據稱營船多被海風損壞果如所言一介武弁將
設何法以修理耶所奏朕殊不解

硃批諭旨卷七十

欽定四庫全書薈要卷七千九百六十五

史部

硃批諭旨卷七十一

硃批王瓚奏摺

巡察湖北湖南等處吏科給事中臣王瓚謹

奏為敬陳管見事竊臣荷蒙

天恩拔擢巡察湖廣日夕冰兢仰圖報稱謹條陳三事
伏冀

聖明採擇

一湖廣全省民徭雜處風俗刁野尤喜訐訟臣伏
讀

聖諭

廣訓一書覺世化民至為深切著明現今各處固已奉
行宣講但日久相循視為故事愚民耳目不新無
以望其警醒臣愚以為巡察一官雖專司緝盜及
驛站墩臺等事然每歷一處首先恭捧

發語殊屬可笑之極

聖諭剴切宣講實與專管之事兩不相妨而遠近士庶聞

之遂覺肅然第向無此例理合

奏明臣更有請者每見各府州縣宣講

聖諭之時各官聚集一處胥役環繞聽者擁擠觀望實無

所聞殊為無益似宜令大小官員各就本城四境

此不過

為爾一篇崇奉虛文於地方亦何益之有巡察

寬敞之處分率生員耆老實力宣講士庶就近皆

之責如是而已乎

得聽聞而愚頑者漸歸禮教矣

一現在欽遵

諭旨自司道以下各員俱設民壯以為長隨護衛臣思

如此

各州縣民壯俱係民人承充其中分有鳥鎗弓箭操練之法亦與營兵相同竊查各省營伍例由步兵漸次考拔而民壯別無上進之路在技勇可觀者既不樂於承充而各處所設仍不過以老弱衙役虛名應付也臣愚以為司道以下各員護衛之民壯俱嚴慎選收照營兵一例操練三年之後果有技勇優長者司道衙門各保送督撫標下同馬則不勝其煩而民壯之苦累亦不堪言矣總因無兵一體考較拔補知府以下及雜職各員之民壯

言可奏據撫道途接論混行塞責視同兒戲是何理耶
先保送各該堂官轉送藩司衙門嚴行考驗申送

庶寓武備於民壯之中可免虛冒之弊矣

一候選候補州縣人員蒙

皇上引見分發各省以便遇缺委用臣思州縣為地方
正印固不宜久曠而佐雜等官如同知通判以至
州同州判吏目典史亦有地方之責俱不可令其
人缺久懸臣見楚省佐貳雜職等官一遇缺出聽
候部選動須半載雖亦經督撫委員兼攝然不無

顧此失彼之虞臣愚以為現在赴部候選佐貳雜

職人員可否照州縣之例先期揀選分發來楚令

佐貳雜職揀選分發未嘗不善但朕躬親辦理實屬無

督撫就近委署試用

暇若竟委該部徒開倖進之門汝此論亦不過揣摩迎

題補庶人缺不致久懸職守亦免廢弛矣倘或臣言

合之奏並非誠心為官常吏治起見而言也

可採伏乞

皇上敕下督撫酌議施行

以上三條至為淺陋是否可行伏乞

睿鑒批示謹

奏

覽所陳奏實一無可採假若勉強採用翻為王瓚所笑
用汝之悞自係朕乏識人之明耳復有何說

巡察湖北湖南等處吏科給事中臣王瓚謹

奏為直陳管見恭請

睿鑒事臣查州縣為親民之官最關緊要我

皇上澄清吏治各省分發人員俱令量才試用其有人
缺不宜者督撫復酌量調補所以察吏安民者無

不至詳且備臣淺陋庸愚亦復何敢置議惟是臣

抵湖廣境內竊見各州縣吏胥衙役不無疲玩揆

所謂

試用者試其能與不能也審知其不能又不更換

改調

則該督撫更不知被人員如何議論也此皆袒護書

生一

偏之故蓋以一介書生初膺民社吏治民生此三四

者如

汝所言州縣有司人人皆不可為矣

未有

才堪勝任而為胥役所朦混之理向汝道被人朦

混者

職其實各員才不勝任者固多而為胥役朦混者

亦復

即係不知恥無能之輩亦何可惜之有若果如此

亦復

不少更有委署人員自擬五日京兆於胥役

則凡

試用之員俱應被參無遺矣烏有是理哉
初試自當從優容而姦吏積蠹視本官不能久任乘間作

初試

或當於簡僻之地既覺其能自必更調於繁劇之

區今

弊或侵蝕錢糧或顛倒公事新舊交更此吏胥之

封疆

大吏將安所適從何喪心病狂至於此極耶黃陂

一縣

較諸浙撫之任輕重懸殊三載之內七易其人茲

得李

於缺轉調繁劇之任即如湖北黃陂一縣甫及一

體諒

督撫之若衷若徒為紙上聞文聽之似屬有理全

不思

及當局者之難是乃刻薄不情之謬論朕深不取

皇上察吏安民之心時時以整飭州縣為事州縣受督

揆汝具摺之由必因試用人員內有一二親友或同年
故舊致羅參處者憤激而發為斯論非秉公為國家惜
政務不能熟悉以致吏胥衙役視官府之去留總
人才而然也

於已無涉怠玩自如臣愚以為人才無不可以造

就而造就之法莫要於稍寬時日俾得訪察利弊

歷練事機除庸劣者不時糾參無庸姑息外其試

用人員遇有缺出督撫委署時即酌量人地相宜

咨明吏部暫停銓選請以一年為限該管上司隨

事教導如能學習辦事漸臻純熟者

題請實授不得於一年內屢行更調及任事三五月
遽請改教則為時既久得以從容察核胥吏之姦
詐嚴加整頓而胥吏亦有所畏懼不敢肆行蒙蔽
似亦造就人才肅清吏治之一法是否臣言有當
伏乞

睿鑒施行謹

奏

汝此人朕實悞用矣

硃批諭旨卷七十一

欽定四庫全書薈要卷七千九百六十六

史部

硃批諭旨卷七十二

硃批甘國奎奏摺

雍正二年七月二十四日浙江按察使臣甘國奎

謹

奏為備陳地方情形事竊臣一介庸愚知識短淺仰蒙

皇上天恩畀以刑名重任受事以來朝夕兢惕勉供職

守惟是浙土俗尚刁華方事化誨成效未臻而吏治率皆疲玩以致案牘拖延業經嚴飭勉勵如再不悛自當奏

聞至於盜竊屢報私販疊發臣謹遵

訓旨嚴督各屬必實力奉行庶幾有益力行保甲而於水路太湖等處及通省

河道汊港令州縣添設巡船往來巡邏如遇賊盜鹽販飭巡役與汛兵協力捕捉不致漏網又於汊港橋梁俱各設立柵欄責令鄉地保總嚴其啓閉

言之

雖似可聽但未知奉行若何耳
庶盜竊私販不能飛越似可漸次消弭其台處嚴

衢等府山內種麻種靛流寓閩人亦皆酌編保甲
按戶可稽逐漸而行庶姦良易於區別至於海上
洋面督撫二臣已飭將戰船及商漁船隻於船傍
蓬上大書字號并船戶兵目姓名使瞭遠者一望
而知如有作姦為匪便可擒捉庶宵小有所敬畏
惟是浙省武備廢弛將驕卒惰玩法生事者居多
如湖州營守備黎元逢遇私鹽輕躁妄動經督撫

二臣會疏

題叅現獲鹽犯張天寶等嚴審容俟另摺專奏今督

此言

朕只信得一半

撫司道諸臣於一切公務俱實力整飭而地方寧

謐端賴守令臂指任使舉措無違方收實效現在
勤加訓導以期無負

皇上委任至意再臣於六月初十日受事適逢澍雨連

日禾苗得甦迨今雨澤接續可望豐收惟於七月
十八九等日風雨猛烈海潮洶湧沿海塘岾多有

已有

旨矣

衝損并及居民房屋現在委員查勘撫恤又經撫臣委藩司親詣查勘俟查明處所由撫臣

題報

臣到任甫及月餘地方事宜整頓未周誠恐稽

摺奏遲

遲早何關緊要惟地方事宜之整頓與否為急務

耳

奏合將現在經理情形繕摺上陳謹

奏

黃叔琳如此妄作亂為爾心懷隱誑不行據實直奏而為實力整飭公務之語以欺朕此外所言朕亦冀土視

之耳何暇披閱

雍正二年九月十五日浙江按察使臣甘國奎謹
奏為敬陳下悃仰祈

天鑒事臣齋摺家人回浙恭捧

戰慄已遲

皇上硃批諭旨臣跪讀之下戰慄無地伏念臣奉

命來浙與藩司臣佟吉圖同時入境共聞有黃叔琳杖

斃賀懋芳一事臣到任後曾經向黃叔琳面說此

等事件應發審定擬人命重大未便輕視再三勸

勉在黃叔琳亦自知愧悔且係臣未到任之事是

以未敢摺奏煩瀆

若常如此愚昧朕可謂擢用得人矣

宸聰此乃臣一時愚昧實非敢於隱誑迨奉

諭旨復加細察知陳世倌與黃叔琳原屬姻親而賀懋

芳與陳世倌僕人朱國賓等於上年曾相毆涉訟

原委

朕已悉知若待爾此奏則誤事矣
是黃叔琳之杖斃賀懋芳顯有請託情弊臣既得

確實正在繕摺間有密叅黃叔琳奉

旨察審之案又接署撫臣佟吉圖發下賀懋芳之妻聞

氏呈詞行拘各犯其詞內情由臣不敢瑣陳謹抄
呈

御覽至於杭城罷市實無聞見但臣到浙時黃叔璥尚

在叔琳署內是實今將軍臣安泰與佟吉圖現在

會審惟是黃叔琳辦事性急未免周章在錢糧事

務係佟吉圖料理而刑名案件乃臣職掌從未將

順其意不敢輕率從事臣犬馬陳人受鄣

恩深重惟有仰遵

聖訓刻刻以察吏安民為念何敢上負

天恩自甘暴棄今蒙

皇上不加嚴譴賜之誨飭感激悚惶自當益加勉勵以
此後若再不據實入告則雖悔莫及矣
圖報效理合具摺奏

聞謹

奏

承審此事者倘少有瞻顧及偏執處據實奏聞

雍正二年十二月二十四日浙江按察使臣甘國

奎謹

奏為敬陳下悃事臣查浙江按察司衙門向有各屬
四季節禮連隨封共銀一萬七千七百四十兩零
鹽務規禮連隨封共銀四千四百兩刑名部費四
季共銀四千五百三十七兩零臣身受

皇上特達之知報效未遑何敢濫收以充囊橐臣於節
禮因浙省公事繁多火耗輕少恐各屬藉口虧那
是以全不收受祇收鹽規一項以為日用至於刑

名部費原以供刑部書辦紙筆飯食之需臣到任時雖未奉

旨嚴禁然慮有染指之嫌已交與杭州府魏定國經手而該府因各屬俱未交付尚未料理近奉

諭旨嚴禁仍念及此輩紙筆飯食之用仰見

皇上體察下情至意臣愚以為若盡行革除則此輩紙筆飯食無從備辦恐難枵腹從事可否每季或給銀二百兩一歲共計八百兩庶使此輩得殫心效

朕嚴禁非此等事也應照舊行此亦何可謂之部費
力而無凍餒之虞是否可行恭候

聖裁再浙省賑恤饑民臣應捐銀一千兩臣因無項可
解尚未措辦查刑名部費尙蒙

皇上允准給付書辦之外尚餘銀三千七百三十七兩
此等之奏朕皆不覽
零可否留為公捐之用并請

聖裁總之臣凜遵

訓旨清白自矢不敢稍有隱匿惟期竭力辦公以仰答
高深於萬一耳謹

奏

但務實行總不在章奏之間也

同日又

奏為遵

旨奏明事竊臣齎摺家人回浙恭捧

皇上硃批諭旨臣跪讀之下益深凜惕敢不加謹勉勵
以期報稱伏查黃叔琳一案經將軍臣安泰署撫
臣佟吉圖會同

題奏已蒙

皇上洞鑒特頒

諭旨敕令覆訊仰見

聖主精詳慎重至意茲於十一月初四日將軍牌行飭
提陳世侃黃叔璥等各犯到臣當即委杭州府立
刻鎖拏黃叔璥等并令該府呈赴海寧縣鎖拏陳
世侃等押解將軍署撫臣收審臣密行查察初十
日十一日連審二次陳世侃黃叔璥俱無確供而

陳世侃供出係伊兄陳世倌有書信來轉向黃叔琳囑託拏究之語並未詰訊亦未動刑十二等日據錢塘縣報稱陳世侃黃叔璥患病未審十七日病愈十九日會審一次陳世侃供稱賀懋芳與世侃三嫂子家人打架黃巡撫因是親戚四月十九日央求巡撫處治他替我嫂子出口氣不料巡撫把他責死了黃叔璥供稱家人在外買紬緞角口是有的各等語並未究詰亦未動刑二十日據錢

塘縣報稱陳世侃復病二十一日將軍牌行知照
陳世侃暫停解審餘犯又會審一次將黃叔璥去
襪未夾將黃叔璥家人凌霄王榮各夾一夾棍止
供買手巾刷牙細物二十二三兩日未經審訊尚
在懸案臣查陳世侃已經招認央求黃叔琳處治
出氣不料黃叔琳把他責死則立斃已屬情實而
黃叔璥承認家人在外買紬緞與人角口尚未究
明審定其陳世侃亦並不究及總之此案情罪難

逃

聖明鑒察臣不敢欺隱謹將歷審情由據實陳

奏伏祈

睿鑒謹

奏

所奏知道了百凡惟以無隱為務

雍正二年十二月十五日浙江按察使臣甘國奎

謹

奏為密奏事竊十二月初八日督臣滿保以查勘海

塘到杭於十二日往嘉興一帶查看當督臣船未

到時同城文武在北關馬頭忽聞人聲喧嚷查係

督臣隨丁毆打鹽驛道王鈞轎夫經仁和錢塘二

縣察逐而督臣船上家人李姓者將仁和縣知縣

胡作柄詈罵辱及父母該縣候督臣船到即刻稟

明情願告休辭職督臣甚加撫慰并言務將家人

如此

方是甚屬可嘉

隨丁一併重處枷責隨往海塘去訖再將軍臣安

此事

必有先受部中請託情節可訪明密奏

泰有販到馬匹俱極疲瘦不堪將軍令旗下官兵

買備官馬定價十九兩二十兩不等以致官兵嗟

怨又旗廝私放印錢重利盤剝民多怨累臣即行

嚴禁無如旗員約束不嚴未能盡除已有赴臣衙

門告發者現在飭府究擬再署撫臣石文焯奉

甚是

命調任西安已於初十日起程而新撫臣法海尚無到

任日期又時迫封印臣仰體

皇仁將發回應

題咨各案人犯轉發各屬以省守候之累至陳世侃

黃叔璥一案據報痊可今陳世侃已供明黃叔琳

留伊喫飯坐在後堂黃叔琳出堂杖責賀懋芳是

實又黃叔璥家人供出買物之舖戶亦已到案至

今仍未

此事浙省之官弁兵民人等衆口以為何如

題結總之臣受

恩深重凡有見聞不敢欺隱謹繕摺密

奏仰祈

皇上睿鑒謹

奏

此奏誠實可嘉悉能如此爾之蒙福不能限量也

雍正三年三月初三日浙江按察使臣甘國奎謹
奏為遵

旨密奏事竊查販馬一事臣訪聞係將軍臣安泰管事
家人梁大夥同前任將軍諾羅布家人董二從口
上販馬到浙散給旗兵每匹價銀二十兩十九兩

至十二兩不等按月糧扣還馬匹多屬疲瘦是以窮兵含怨至黃叔琳一案承審官定擬未當蒙

皇上洞鑒無遺寬嚴允協合省官弁兵民無不敬服頌

聖明臣仰承

諭旨謹據實密陳伏祈

睿鑒謹

奏

朕之明與不明全賴爾等撫司大吏之秉公據實不欺
觀此更當勉勵一無隱蔽以贊助朕之政治并以利濟
社稷蒼生也勉之

同日又

奏為奏明事竊杭州乃省會之區商民繁庶整飭地
方務在戢暴安良自臣任事後嚴禁結黨打降以
除惡習乃有仁和縣土棍董御天於二月二十一
日在倉橋麵鋪賒欠毆打次日復糾合旗人陳老

八胡老六等并不知姓名多人擁至麵舖復行毆

打毀壞器皿并連打別家舖面四座以至隣近二

十餘家畏其兇勢關閉店門臣一聞知立刻飛飭

杭州府嚴拏隨據府詳董御天等藏匿旗下臣即

詳撫臣咨提并檄杭州府魏定國兼理理事同知

特晉德嚴行究治尚未審報又據紹興府申稱餘

姚縣典史程時中自刎因為黥革武生徐文中等

赴督臣滿保控告該員擅受民詞督臣發該府查

審情憤輕生等語撫臣法海恐別有隱情檄令臣會同布政使佟吉圖究訊現在提犯嚴鞫俟審明

具詳候撫臣核

以上數事經理甚當若不如是何以安良善也
題再禮臣三泰條奏幕賓不應延用本地之人經部

議覆奉

旨通行臣欽遵之下伏念臣之幕賓實係浙江人但歷任相隨老成拘謹臣所深知今別行延致初經識面才具心術殊難相信況臣衙門乃全省刑名總

滙民命攸關若延致非人貽誤不小現在別省採訪恐一時難得臣一生敬謹不敢隱匿合併

奏明統祈

皇上睿鑒謹

奏

所奏幕賓情由已悉將奏明准爾留用之處令法海修吉圖知之

雍正三年三月十八日浙江按察使臣甘國奎謹

奏為奏

聞事竊台州府屬臨海縣知縣王郊經督臣滿保

題叅委嵎縣知縣宋敷署理王郊虧空倉庫交盤未
清宋敷不肯接受王郊以原籍房產浼寧海縣知
縣趙予信置買擔承虧空趙予信先付王郊銀五
百兩下欠之銀台州府知府楊廷璋著趙予信出
具印收繳府轉給宋敷交盤出結宋敷以王郊無
現銀不受旋經宋敷解任趙予信接署臨海印務

而楊廷璋遂逼勒趙予信交盤出結因其不允甚
至面叱換詳王郊反以趙予信不肯出結捏稱有
銀交付申詳布政使批查趙予信以先付王郊之
房價無著繳府之印收不還情極輕生於三月初
六日自刎初十日畢命據黃巖縣知縣李淑端驗
報并訊據趙立本口供臣細閱情事顯係知府貪
殘逼勒當即將知府楊廷璋開揭詳叅以便檄提
官犯嚴審確情究擬因事關知府逼勒印官自刎

謹據實先

奏所有撫臣封發趙立本控詞及黃巖縣訊取趙立
本口供一併抄錄恭呈

皇上睿鑒謹

奏

知道了極當秉公審理朕看楊廷璋光景殊屬可惡

雍正三年五月初十日浙江按察使臣甘國奎謹
奏為敬陳海疆事竊臣於三月十四日經督臣滿保

檄飭查議鯨子疊河莊山添設官兵防守一事仰
見

聖明燭照軫念邊海民生至意欽承之下隨委杭州府
魏定國會同水師副將李燦踏看繪畫全圖到臣
謹按河莊山雖稱海口實為內港海船乘潮可進
潮退則膠非如吳淞乍浦等口可以揚帆徑進也
此地原設有礮城名為司城安礮八門有千總一
員兵八十名唬船四隻稽查匪類在河莊山之東

南陸地則有紹興協寧波提督及城守營接連鎮海等汛東北岸則有海寧汛防沿往東北即鳳凰山亦有礮臺防兵再往東北則有嘉興協海鹽澉浦汛防乍浦新設水師與鎮海新改水師此外又有定海重鎮官兵巡查外洋扼要犄角擁護錢塘江門戶至河莊山地勢褊窄山石凹凸司城狹隘而海灘悉屬浮沙漲沒不定水性極鹹牧放馬匹以及搬運米薪淡水似屬不便今現據河莊山居

民人等以兵民難以混處為詞具呈臣謹錄原呈
并繪河莊山一帶全圖恭呈

御覽可否移駐伏候

睿裁再董御天等結黨逞兇經臣奏

聞一案今據杭州府知府並理事同知等審明將為首
結黨生事之民人董御天旗人陳老八胡老六俱照
例分別旗民發寧古塔烏喇解部發遣餘犯分別
鞭枷杖徒具詳到臣經臣轉解撫臣法海會審具

題合併陳明統祈

睿鑒謹

奏

所奏知道了事事咸能如此保爾上進有日也

同日又

奏為密奏事竊臣聞溫州府屬樂清縣一帶地方潛有匪類煽惑愚民臣即密飭該府廳密察據實速報今據稟稱細加查訪此種匪類浙閩及江西皆

有總以邪教引誘騙人銀錢為事其首惡實在閩

省而姓名住址未訪的確等語臣思宵小煽惑不

過為騙誘錢財起見然勾引滋蔓貽害良善所關

甚鉅是以臣密會布政使佟吉圖馳稟督臣滿保

并知會溫處道王敘福因撫臣法海操守甚清而

性情褊急辦事不甚防閑誠恐洩漏未敢即為通

知今已嚴飭該府廳細察確實形迹姓名相機密

此事

朕不悉事由又無名姓不便密諭各該撫等當如

拏近地黨惡通詳伏乞

何密訪消弭之處爾即遵朕諭旨將奏明情節備細密

具書

函遣差的當人往三撫臣處通知令伊等請旨施

行

頑斂跡而良民寧帖矣臣以事關地方謹據情密

奏惟是海疆重地實關緊要如寧台溫沿海各屬近

者數百餘里遠者千有餘里遇有緊要信息一時

不能即通全在府縣各官善為治理杜遏姦匪防

患未萌無如各該員中拘執平庸者多才幹有為

者少即今台州府及寧海縣現在缺員事多遲滯

此事

可說

與法海令其來京面奏若應傳旨即傳旨諭

更有溫州府屬之永嘉樂清等處閩浙接壤俱邊

知否

則作爾意向伊說知亦可

海要地易於藏姦非明白練達者不克勝任臣受

皇上厚恩逾於格外鰓鰓過計冒昧陳奏伏惟

聖明照察再時屆秋審經撫臣法海准部咨轉行陳世

侃陳源生陳若嶠一案臣查定例應入秋審隨詳

明撫臣提犯會勘而撫臣批飭陳世侃等無庸秋

審俟本內

奇殊不可解

題明臣爭執再三撫臣仍未見聽理合

奏明更有附

奏者因布政使佟吉圖偶患瘡疾臣往海寧縣代祭
海神適於回省時聞有拏錢塘縣人陸淵并將四川
東鄉知縣差役傳文榜收禁一事而臣未見檄行
不知事由聞係撫臣准前任川陝總督年羹堯咨
拏訊究者合併密

奏統祈

皇上睿鑒謹

奏

甚屬可嘉知道了

雍正三年六月初二日浙江按察使臣甘國奎謹
奏為再行密奏事竊溫州府有匪類惑衆臣已繕摺
奏

聞續於五月十四日溫州總兵臣邊士偉過省抵任臣
跪請

聖安隨密以此事通知密會溫州府知府芮復傳同知
楊吉祥協力查拏今據芮復傳稟稱永嘉縣首犯

范子盛經守備張進陞拏獲交府該府立刻會齊
同知楊吉祥飛詣范子盛家搜出金牌銀牌名簿
并五爪龍紙數張內止書姓不書名並無別語亦
無偽銜隨訊供在溫餘黨拏獲七名一面委員同
張守備赴樂清縣密拏夥犯倪允信等并據范子
盛供出首惡王文治住居福建省城湯門內又有
教主姓張號為彌勒老佛住居布政司後白雲洞
而督臣滿保亦因此事已有密札到溫州矣現在

地方寧謐等情續據同知楊吉祥稟稱密會守備
張進陞於五月十三日拏獲范子盛即親詣其家
搜出五爪金龍白紙數張上有人姓暗藏字眼又
有大小金銀龍牌十餘面一應書信字跡併姓名
冊籍二本以及金龍丹藥據范子盛供稱邪教惑
衆如溫州永樂瑞平四縣約男婦五千餘人若看
冊上不止此數如在溫州乃范子盛為首閩省江
西以及寧台紹各有掌管堅供不知姓名其在福

建省城首犯王文治住湯門內畢水巷凡給劄牌
丹藥各物俱係王文治經手另有天地當來虛空
家鄉彌勒等號俱在布政司後白雲洞范子盛從
未見面據王文治云務待圓滿方可見面更有太
陰老娘娘住北京大同關等語所有搜出劄付名
曰合符以及金銀龍牌葫蘆併推背圖來往書信
內中不經不軌字跡解銀回單俱面同封貯其范
子盛惑衆之言以天地已屆末劫午未之年就要

塌陷喫此丹藥有此牌符可以逃劫等語至於夥
犯倪允信一名於十五日拏獲解交芮知府緣奉
飭拏合將拏獲情由備稟外抄畫金銀牌一紙合
符一張等情臣現在密會布政使溫州鎮溫處道
并飭該府嚴究一面密令寧台紹三府密行訪拏
以期消弭伏祈

前有旨令爾密字寄知伊等仍遵前旨行可也

皇上睿裁密敕福建浙江江西督撫各臣密行查察以
盡根株今據各稟報再行密

奏并將該同知原抄畫金銀牌一紙合符一張恭呈
御覽謹

奏

知道了但不可滋事圖功以及冤誣無辜之人此一事
深賴爾籌畫得宜也

同日又

奏為謹陳下悃事竊臣才識淺薄荷

皇上厚恩時切凜惕凡屬政事惟有遵守律例秉公辦

理不敢少有瞻徇緣撫臣法海剛愎自用任性作

朕原有旨令爾等兩司得以密摺奏事為欲洞知地方

為臣常規勸每拂其意臣惟以公事為重不敢阿

情形而已並不許爾等藉此驕縱挾制督撫也朕未有

順後因臣之幕客蒙

於一省用二三督撫之理亦未有疎遠督撫而親信兩

天恩准臣留用著法海佟吉圖知道臣遵

司之理如果兩司勝於督撫可親信即當擢用為督

旨密傳詎撫臣頓起疑忌時於衆人屬目之地聲言揆

為撫矣豈肯令卑踰尊疏諭戚乎今覽此奏必因汝倚

其意以事關摺奏知臣謹密故作聲揚欲入臣罪

恃摺奏之勢藐視上官任性傲慢之所致何得設詞謂

此後一切案件無不吹求在臣衙門承上接下俱

因通知留用幕賓致露摺奏頓起疑忌等語殊屬巧偽

係命盜重情而證佐牽連必須審明省釋至府縣

況前

陳世侃秋審之案聞係臣欲緩其罪法海不從而

汝反

駕巧詞誣奏更為辜負信任也才省上司不思和

衷共

然必須歷指不合之處庶便推鞠乃撫臣並不將

必聽

如何不合之處指出惟混駁覆勘令臣無從循訊

法海

蓋撫臣與臣原屬舊親既同事一方尤宜實心辨

偏執

惟以駁查汝之審案為嫌不但朕不怪法海而且

深鄙

汝之為人也同城止一巡撫為汝上司尚不能以

公誠

殊不知案件混駁則案犯拖累即情實罪當猶須

矜恤以上體

皇上無能之極好生之仁豈忍令無辜之證佐頻受跋涉守候之

苦乎是臣一人之忝祿而使案犯拖累踣斃不少

臣心何安臣受

天下惟誠能感人無返躬自責之實彼意何以能回主深恩勉圖報稱而撫臣之意難回即如湖州知府曹

掄彬因鹽犯張天寶等殺傷官兵一案係二叅之件自行來省與杭州府會審適臣於五月二十八日服闋延糧道蔡仕舩為臣生母陳氏點主鹽驛道王鈞副將李燦知府魏定國曹掄彬均至臣署

既有

點主

作陪

一事

究非

虛誣也

作陪事畢各散午刻據杭州府申報摘取湖州知

府曹掄彬印信緣由有該員借公來省迎合上司等語查定例

題叅摘印應檄臣衙門奉行今竟不檄行則所謂上

司是指臣而言也續於二十九日布政使佟吉圖

主稿移臣會揭曹掄彬內開該員甚是糊塗居官

懈怠臣以撫臣既已

此中

大有

緣由

前已

有旨

題叅而曹掄彬於案件生疎不甚諳練遂書行會印

移回布政使在案又德清縣沈慶元等毆斃沈廷
標一案知縣盧志熙覆檢屍傷屍親以檢驗不實
將骨桶搶去知府曹掄彬將盧志熙以溺職揭報
臣一面飭查一面據揭詳請撫臣

察明

再行參劾慎重舉錯亦不為過

題參而撫臣僅止批查不允參處再如秀水縣馬秀

臣等毆傷徐殿臣威逼投河自盡一案臣駁訊確
實問擬軍罪其原謀助毆已斃三命亦例得減等
隨經詳解撫臣令錢塘知縣楊夢琰傳言令臣檄

行該縣嚴審臣即檄飭而該縣將馬秀臣等疊夾
並無疑竇楊夢琰又傳撫臣之言云以易結不結
叅臣本已繕就臣處心無愧惟有靜俟而已忽於

是日薄暮撫臣批發臣之詳文仍照原招具
物必先腐也而後蟲生不過因疑起見耳
題矣翻騰輾轉殊不知撫臣是何意見也總之臣一

生迂拙惟知凜遵

若止據前數事亦不為偏執
訓旨心切報效若順從撫臣偏執之見則有負

皇上簡任如違拂其意則事多棘手民多拖累臣進退

維谷不得不直陳於

君父之前統祈

聖鑒謹

奏

覽所奏不公爾必有把柄已被法海執捉恐其叅奏欲
以先入之言來動朕聽光景此等伎倆何能逃朕鑒照
向後斷乎不可無益而徒有害也

雍正三年七月初九日署理浙江巡撫印務按察

使臣甘國奎謹

奏為奏

聞事竊臣一介庸愚荷

皇上厚恩凡見聞所及不敢徇隱伏查浙省風俗柔華
人心刁譎駐防旗兵居處日久生齒日繁後生之
輩易於習染所賴鎮守諸臣宣揚

皇上教養之恩勗其守正向上以報效

朝廷耳今年羹堯於七月初二日到任仍似大將軍

氣象且聞年羹堯語旗人云爾等窮苦我所深知
能隨我說斷不令爾等窮苦雖屬撫慰旗人然意
指含蓄非所以勗勵之也年羹堯受

皇上莫大之恩自干重譴理應時加凜惕以追罪愆乃
仍然奢肆語言狡詐慢無警懼稽其所坐之船先
到者已三十餘隻聞未到者尚有四十餘隻而家
奴復有家奴到杭者男女已不下千人後來者尚
未知其數所住衙門人已居滿聞將長隨等類分

住外城夫杭州五方雜處游手無賴藉以生事地
大抵禍來神昧蓋緣罪業深重之故耳下愚不移奈何
方殊有未便臣計慮及此理合
奈何虛負朕恩殊為可惜
奏陳伏祈

皇上睿裁至温州邪教其在浙在閩為首之人皆已拏
獲而無知被誘愚民俱令其各繳出所造牌符等
物一概自首免究其福建王文治陳立昭等温州
范子盛倪允信徐璞如處州季海官等現在飭審
究擬但伊等邪教煽惑雖志在誑騙然日久蔓滋

所當亟行懲究仰祈

聖裁如何處治以儆姦匪以彰

國法庶便祇奉遵行江西巡撫裴率度臣遵


諭旨於六月二十四日寫書差人通知令其密行察拏
寧戢地方合併附陳謹

奏

邪教人等分別等差發落之處已據滿保議奏矣應照
伊所奏料理



殊批諭旨卷七十二



總校官庶吉士臣侍朝

校對官編修臣莫瞻棻

謄錄監生臣姚鍾英

謄錄監生臣范從理